

KOMISIJA ZA PRIPREMANJE PRIJEDLOGA ZA IZBOR U NAUČNONASTAVNO ZVANJE VIŠI
ASISTENT/ICA ZA PREDMETE NAUČNE OBLASTI MEĐUNARODNO PRAVO

UNIVERZITET U SARAJEVU
PRAVNI FAKULTET

Sarajevo, 23. 02. 2022. godine

Broj: 01-300/22
Datum: 25.02. 2022 god.

NASTAVNO-NAUČNOM VIJEĆU UNIVERZITETA U SARAJEVU - PRAVNOG FAKULTETA

*predmet: Izvještaj Komisije za pripremanje prijedloga za izbor u naučnonastavno zvanje viši
asistent/ica na naučnoj oblasti Međunarodno pravo*

Podaci o objavljenom konkursu i formiranju komisije

a) Univerzitet u Sarajevu- Pravni fakultet, na osnovu usvojenog dinamičkog plana potreba za raspisivanjem konkursa za izbor u zvanja u akademskoj 2021/2022 godini, raspisao je konkurs za izbor/napredovanje jednog saradnika/ice u zvanju višeg asistenta/ice na predmetima naučne oblasti Međunarodno pravo. Konkurs je objavljen u dnevnom listu „Oslobođenje“ i web.stranicama Univerziteta u Sarajevu (dalje: UNSA) i UNSA - Pravnog fakulteta dana 06. 01. 2022. godine. U ostavljenom roku za podnošenje prijava na konkurs (15 dana od dana objavljivanja) **prijavio se jedan kandidat** za izbor u zvanje višeg asistenta.

b) Nastavno - naučno vijeće UNSA - Pravnog fakulteta na sjednici održanoj 09. 02. 2022. godine na osnovu člana 106.st.(3) Zakona o visokom obrazovanju („Sl.novine Kantona Sarajevo“, br.33/17, 35/20, 49/20 i 39/21- dalje: ZVO) je donijelo Odluku o imenovanju Komisije za pripremanje prijedloga za izbor jednog saradnika/ice zvanju višeg asistenta/ice na predmetima naučne oblasti Međunarodno pravo (dalje: Komisija) u sastavu:

1. **dr. Nežla Serdarević**, redovna profesorica UNSA - Pravnog fakulteta na predmetima naučne oblasti Međunarodno pravo, predsjednica i članica;
2. **dr. Sakib Softić**, redovni profesor UNSA – Fakulteta za kriminalistiku, kriminologiju i sigurnosne studije na predmetima naučne oblasti Međunarodno pravo, član;
3. **dr. Mehmed Hadžić**, vanredni profesor UNSA – Pravnog fakulteta na predmetima naučne oblasti Radno i socijalno pravo, član;

c) Na osnovu Odluke o imenovanju Komisije za pripremanje prijedloga za izbor broj: 01-155-1/22 od 09. 02. 2022. godine, zadatak Komisije je da podnese pisani Izvještaj sa prijedlogom Nastavno- naučnom vijeću UNSA - Pravnog fakulteta u skladu sa tekstom raspisanog konkursa u roku od 45 dana od isteka roka za podnošenje prijava na konkurs.

d) Nakon što je razmotrila prijavu i priloženu dokumentaciju prijavljenog kandidata, Komisija u skladu sa čl.106 - 108 ZVO i člana 205. Statuta UNSA iz 2018 (dalje: Statut) podnosi slijedeći

IZVJEŠTAJ

1. Prijava kandidata

Na osnovu pisane potvrde sekretarice UNSA - Pravnog fakulteta broj 01-155-2/22 od 10. 02. 2022. godine Komisija konstatuje da se na konkurs za izbor e jednog saradnika/ice u zvanju višeg asistenta/ice na predmetima naučne oblasti Međunarodno pravo prijavio jedan kandidat, i to: **Damir Muminović MA iur.**

Prijava na konkurs je zavedena pod brojem 01-95/22 od 19. 01. 2022. godine na protokolu UNSA-Pravnog fakulteta. Kandidat je uz prijavu dostavio slijedeću dokumentaciju:

- Biografiju i bibliografiju;
- Izvod iz matične knjige rođenih i uvjerenje o državljanstvu (ovjerene kopije);
- Ovjerene kopije diploma I (prvog) i II (drugog) ciklusa studija;
- Ovjerene kopije dodatka diplomi I (prvog) i II (drugog) ciklusa studija;
- Ovjereno priznanje - Srebrna značka;
- Odluke o izboru u zvanje asistenta (ovjerene kopije);
- Dokaz o pohađanju III (trećeg) ciklusa studija-prepis ocjena – (ovjerena kopija);
- Dokaz o poznavanju engleskog jezika (ovjerena kopija);
- Dokaz o osposobljenosti za rad na računaru (ovjerena kopija);
- Potvrda o položenom pravosudnom ispitu (ovjerena kopija);
- Certifikate o stručnom usavršavanju (učešću u radionicama, seminarima, naučnim skupovima i konferencijama, kopije i ovjerene kopije);
- Dokaz o studijskom boravku (kopija);
- Naučne i stručne radove (kopije radova i potvrdu za rad koji tek treba biti objavljen).

Prijava kandidata Damira Muminovića MA iur. je blagovremena i potpuna, te je Komisija u skladu sa zakonskim i statutarnim odredbama vrednovala ispunjenost uvjeta za izbor u zvanje višeg asistenta za naučnu oblast Međunarodno pravo.

2. Biografski podaci, obrazovanje, stečena zvanja, zaposlenje

a) Damir Muminović rođen je 08. 08. 1988. godine. Osnovnu školu i gimnaziju (Prva gimnazija u Sarajevu) završio je u Sarajevu. Nakon toga upisao je Pravni fakultet Univerziteta u Sarajevu, na kojem je 2011. godine diplomirao i stekao akademsku titulu **bakalureat prava sa prosjekom ocjena 9,22.**

Zvanje magistra prava stekao je 2013. godine na Pravnome fakultetu Univerziteta u Sarajevu, odbranivši završni rad pod naslovom "Stvarni suverenitet tranzicijskih zemalja", **sa prosjekom ocjena 9,67.**

Kao jedan od najboljih studenata tokom prvog i drugog ciklusa studija na UNSA-Pravnom fakultetu, dobitnik je srebrene značke Univerziteta u Sarajevu. Kandidat govori engleski i njemački jezik.

Doktorski studij na UNSA - Pravnome fakultetu upisao je 2018. godine. U okviru dokorskog studija položio je sve ispite predviđene planom i programom sa prosječnom ocjenom 10,00, uspješno je odbranio dva seminara, kao i projekat naslova doktorske disertacije.

b) Tokom I ciklusa studija prava bio je angažovan kao student demonstrator na predmetima naučne oblasti Međunarodno pravo pri Katedri za državno i međunarodno javno pravo UNSA-Pravnog fakulteta.

Nakon završenog drugog ciklusa studija, zaposlio se kao pripravnik na Kantonalnom sudu u Sarajevu u periodu od 2014. do 2016. godine. Nakon završetka pripravničkog staža, 2017. godine položio je pravosudni ispit.

c) U skladu sa Ugovorom o sufinansiranju zapošljavanja asistenata i stručnih saradnika na Univerzitetu u Sarajevu po programu „150+“ broj: 04/1-34-01-150+/18 zaključenim 04. 05. 2018. godine između Službe za zapošljavanje Kantona Sarajevo i Univerziteta u Sarajevu, pored općih zakonskih uvjeta, kandidati su trebali da se nalaze u evidenciji nezaposlenih Službe za zapošljavanje Kantona Sarajevo, a prednost pri odabiru kandidata imali su dobitnici priznanja Univerziteta u Sarajevu: Zlatna, Srebrna značka, Povelja Univerziteta. Kandidat je u postupku prijema u radni odnos ostvarivši najviše bodova izabran i zasnovao je radni odnos u skladu sa Odlukom o izboru Senata UNSA u zvanju asistenta na naučnoj oblasti Međunarodno pravo na period od 4 godine.

3. Ocjena ispunjenosti uvjeta kandidata za izbor u naučnonastavno zvanje viši asistent

Ispunjenost uvjeta za izbor kandidata u naučnonastavno zvanje viši asistent procjenjivana je prema odredbama: čl. 96.st.1 tačka b) i d) ZVO i čl. 194. st.(1) tač. b) i d) Statuta UNSA iz 2018.godine.

3.1. Stepen drugog ciklusa studija sa najnižom prosječnom ocjenom i na prvom i na drugom ciklusu studija 8 ili 3,5

Na osnovu diplome o završetku prvoga ciklusa studija prava, utvrđeno je da je kandidat 2011. godine diplomirao i stekao akademsku titulu bakalureat prava sa prosjekom ocjena 9,22. Na osnovu diplome o završetku drugoga ciklusa studija, utvrđeno je da je zvanje magistra prava stekao 2013. sa ukupnim prosjekom ocjena 9,67.

Komisija konstatuje da je kandidat Damir Muminović MA iur završio prvi i drugi ciklus studija sa 300 ECTS bodova na UNSA - Pravnom fakultetu sa **prosječnom ocjenom i na prvom i na drugom 9,45.**

3.2. Proveden period u zvanju asistenta

Na osnovu potvrde UNSA-Pravnog fakulteta broj: 01-64/22 od 12. 01. 2022. godine, te Odluke Senata Univerziteta u Sarajevo broj 01-866/18 od 27. 06. 2018. godine, Komisija konstatuje da je kandidat proveo jedan izborni period u zvanju asistenta na naučnoj oblasti Međunarodno pravo.

Tokom izbornog perioda (2018-2022) kandidat je u okviru 40 satne radne sedmice obavljao saradničke poslove vezane za: a) organiziranje i izvođenje vježbi i drugih praktičnih oblika nastave prvog ciklusa studija pod nadzorom odgovornih nastavnika na nastavnim predmetima Međunarodno javno pravo I, Međunarodno javno pravo II i Uvod u pravo Evropske unije, b) pomaganje odgovornim nastavnicima u organizaciji i izvođenju nastave, semestralnih provjera znanja i ispita na obaveznim i izbornim predmetima naučne oblasti Međunarodno pravo, c) vođenje evidencija o praćenju i radu studenata, d) konsultacije i druge oblike rada sa studentima, e) objavljivanje rezultata istraživanja u naučnim i stručnim publikacijama, f) rad u stručnim komisijama Fakulteta i Univerziteta, g) sudjelovanje u organizaciji naučnih, stručnih i drugih skupova, h) sudjelovanje u stručnim poslovima Fakulteta, te drugih povjerenih poslova.

3.3. Naučne, stručne i druge aktivnosti

a) Kandidat Damir Muminović MA iur. od izbora u zvanje asistenta objavio je slijedeće radove:

- „Osvrt na izlazak Ujedinjenog Kraljevstva iz Evropske unije (BREXIT), stručni članak, objavljen u Pregledu: časopisu za društvena pitanja, broj 3, Sarajevo, 2021. godina,

- „Međunarodni elementi u ustavnom sistemu Bosne i Hercegovine“, stručni članak, objavljen u časopisu Pravna misao br. 5-6, Sarajevo, 2020. godina,

- „Stanje arbitražnog spora između Hrvatske i Slovenije u predmetu 2012-04 pred Stalnim arbitražnim sudom u Hagu de iure i de facto“, pregledni naučni rad objavljen u časopisu Godišnjaku Pravnog Fakulteta Univerziteta u Sarajevu, 2019. godina, i u knjizi sažetaka „Prednosti alternativnog rješavanja sporova“-knjiga sažetaka, Sarajevo, 2019. godina,

- „Tranzicijski procesi i suverenitet država“, stručni članak ,objavljen u časopisu Pravna misao br. 9-10, 2014. godina Sarajevo.

Učesnik je u dva naučno-istraživačka projekta:

a) projekat „Naši glasovi/Our voices“ u organizaciji češke nevladine razvojne organizacije People in need. (2019. godina).

b) projekat „Moj posao/My work“ u organizaciji češke nevladine razvojne organizacije People in need (2020.-2021. godine).

b) U okviru naučnog i stručnog usavršavanja kandidat je dobitnik stipendije za doktorsko istraživanje na Univerzitetu Palacky u Olomoucu, Češka Republika – ERASMUS+ stipendija za doktorsko istraživanje (4 mjeseca) 2022.godine, a u novembru 2021 godine bio je na studijskom boravku na istom Univerzitetu.

Bio je učesnik naučnih konferencija, seminara, obuka, i to:

- webinar „Klimatske promjene u sudnici Evropskog suda za ljudska prava“ Konrad Adenauer Stiftung (april 2021. godine), učesnik,
- seminara u organizaciji International Law and Human Rights - University of Tartu, tema "Međunarodne organizacije kao agenti ustavnosti" (maj 2021. godine). učesnik na Zoom webinaru,
- MUNDO konferencija u organizaciji ICON S, tema promjene u Međunarodnom pravu (juli 2021. godine). host ,Zoom konferencija,
- seminara "Interdisciplinarnost na UNSA" (2018. godine),
- naučnoj konferenciji "Alija Izetbegović i njegovo shvatanje prava i države" (2018. godine),
- okruglom stolu u okviru manifestacije pod nazivom „EU Law Days“ o temi „Upitnik Evropske komisije – odabrani pravni aspekti“, Pravni fakultet Univerziteta u Sarajevu (2018. godina),
- tribini „75 godina ZAVNOBIH-a i ZAVNOH-a u kontekstu postojećih odnosa u regiji“, prof.dr. Ivo Josipović, UNSA (2018. godine).
- predavanjima sudije Theodora Merona, predsjednika Međunarodnog rezidualnog mehanizma za krivične sudove na temu „Mehanizam kao novi model međunarodnog krivičnog tribunala“ (2018. godine).

Kandidat je bio i :

- panelist na Tripartitnoj konferenciji: VIII bosanskohercegovačko-hrvatsko-turski pravnički dani: „Prednosti alternativnog rješavanja sporova“ u organizaciji Pravnoga fakulteta Univerziteta u Sarajevu sa člankom „Stanje arbitražnog spora između Hrvatske i Slovenije u predmetu 2012-04 pred Stalnim arbitražnim sudom u Hagu de iure i de facto“ (april 2019. godine).
- panelist na skupu povodom obilježavanja Dana biblioteka na Pravnome fakultetu Univerziteta u Sarajevu (decembar 2019. godine).
- panelist na završnoj radionici projekta Naši glasovi/Our voices u organizaciji češke nevladine razvojne organizacije People in need (decembar 2019. godine).

c) Damir Muminović MA iur obavlja nekoliko funkcija u profesionalnim i stručnim organizacijama. Konkretnije, kandidat je:

1. konsultant za Međunarodni komitet Crvenog krsta/ križa (2021. godina).
2. koordinator za II ciklus Katedre za državno i međunarodno javno pravo (2020-danas).
3. član Etičkog odbora UNSA -Pravnog fakulteta (2020-danas).
4. koordinator ispred UNSA -Pravnog fakulteta na projektu Naši glasovi/Our voices u organizaciji češke nevladine razvojne organizacije People in need. (2019. godina).
5. koordinator ispred UNSA - Pravnog fakulteta na projektu Moj posao/My work u organizaciji češke nevladine razvojne organizacije People in need (2020.-2021. godine).
6. predstavnik asistenata u Naučno-nastavnom vijeću UNSA- Pravnog fakulteta 2021-2022 godina.

U vannastavnim aktivnostima na UNSA -Pravnom fakultetu, Damir Muminović MA iur je:

-trener studenata ispred UNSA - Pravnog fakulteta pri online Školi međunarodnog humanitarnog prava održanoj u organizaciji Međunarodnog komiteta Crvenog krsta/križa (decembar 2021 godine),

- trener studenata ispred UNSA - Pravnog fakulteta pri online Školi međunarodnog humanitarnog prava održanoj u organizaciji Međunarodnog komiteta Crvenog krsta/križa (decembar 2020. godine).

-trener studenata ispred UNSA - Pravnog fakulteta na takmičenju iz Međunarodnog humanitarnog prava u Banja Luci održanom u organizaciji Međunarodnog komiteta Crvenog krsta/križa (decembar 2019. godine).

-mentor na ELSA simuliranom parlamentu (maj 2019. godine).

Zaključna ocjena i prijedlog Komisije

Na konkurs za izbor jednog saradnika /ice u zvanju višeg asistenta/ice na predmetima naučne oblasti Međunarodno pravo na studijskim programima UNSA - Pravnog fakulteta, objavljenom u dnevnom listu „Oslobođenje“ od 06. 01. 2022 godine i internet stranicama Fakulteta i Univerziteta, **prijavio se jedan kandidat : Damir Muminović MA iur.**

1. Na osnovu izloženih činjenica u ovom Izvještaju, Komisija jednoglasno procjenjuje da Damir Muminović MA iur. poseduje stručne, naučno-istraživačke i pedagoške karakteristike odnosno da ispunjava sve tražene uvjete za izbor u nastavnonaučno zvanje viši asistent za predmete naučne oblasti Međunarodno pravo na studijskim programima UNSA - Pravnog fakulteta u skladu sa čl. 96.st.1 tačka b) i d) ZVO i čl. 194. st.(1) tač. b) i d) Statuta UNSA iz 2018. godine.

Konkretnije, Damir Muminović MA iur. je :

1.1. završio drugi ciklus studija (300 ECTS bodova) na UNSA - Pravnom fakultetu sa sa prosječnom ocjenom i na prvom i na drugom 9,45 (prosječnom ocjenom na prvom ciklusu studija: 9,22, a na drugom ciklusu: 9,67),

1.2. u svojstvu saradnika na UNSA- Pravnom fakultetu proveo jedan izborni period (2018-2022) u zvanju asistenta na naučnoj oblasti Međunarodno pravo,

1.3.kao autor objavio više radova koji po svom sadržaju te vrsti i strukturi publikacija u kojima su objavljeni odgovaraju zakonskim i statutarnim uvjetima za naučno-istraživački rad ,

1.4. bio je učesnik u naučno-istraživačkom projekatima u kojim su sudjelovali i domaći i međunarodni stručnjaci,

1.5. sudjelovao je na više međunarodnih i domaćih skupova sa izlaganjima/referatima.

Prijedlog

Na osnovu prethodno navedenog, Komisija predlaže da se kandidat Damir Muminović MA iur. izabere u naučnonastavno zvanje višeg asistenta za naučnu oblast Međunarodno pravo.

Komisija

Prof. dr. Nežla Serdarević

N. Serdarević

Prof. dr. Sakib Softić

Sakib Softić

Prof. dr. Mehmed Hadžić

M. Hadžić